



Universitätsbibliothek Paderborn

Kunst-Kaemmerlein christlicher Weißheit

Martinus <a Matre Dei>

Gedruckt zu Cölln, MDCXLII

Hierauff thue er seines Glaubens Bekantnuß.

[urn:nbn:de:hbz:466:1-46701](#)

H^Ert/ daß sey vnd bleib gesagt: vnd
also mit innerlichen Augen den ganzen
Act ansehen/ vnd begreissen/ hernach soll
die gemeine Weicht gesprochen werden/
wie folgt:

Ich Armer Sünder bekenne GOTT
dem Allmächtigen / MARIA seiner
Hochwürdigen Mutter/dem H. Erz-En-
gel Michaël , S.Ioanni dem Tauffer/den
heiligen Aposteln Petro vnd Paulo , dem
heiligen Iosephi, vnd allen lieben Heiligen/
vnd gebe mich schuldig/dß ich viel gesün-
diget habe / mit Gedancken / Wort vnd
Wercken: mein Schuld/ mein Schuld/
mein grosse Schuld. Darumb bitt ich die
heilige Jungfraw MARIA, den heiligen
Erz-Engel Michaël, den heiligen Tauf-
fer Ioannem, die H.H. Aposteln Petrum,
vnd Paulum, den H. Ioseph, vnd alle Hei-
ligen/ sie wöllen Gott den H^Eren für
mich bitten.

Hierauff thue er seines Glaubens.

Bekantnuß also:

Ich N. glaub vnd bekenne mit bestendi-
gem Herzen alle vnd jede Stück/ so im
Christ-

Christlichen Glauben / den die H. Romische Kirch gebrauchet / verfasset seynd / vnd
in diesem Glauben will ich leben / vnd sterben. Ich glaub in die Allerheiligste Dreyfaltigkeit.
Ich glaube daß der Vater Gott / der Sohn Gott / vnd der H. Geist
Gott sey / nicht aber drey Götter / sondern
ein Einiger Gott. Ich glaub daß der
Sohn Gottes vom Himmel herab gestiegen / vnd durch den H. Geist auf MARIA
der Jungfrauen Fleisch an sich genommen / vnd Mensch sey worden; vnd daß
die Jungfrau vor / in / vnd nach der Ge-
burt ein unbesleckte Jungfrau blieben sey.
Ich glaub daß vnser Herr IESUS Christus
ein Stifter sey der HH. Sacramen-
ten: vnd daß in dem Allerheiligsten Sac-
rament des Altars warhaftig / leiblich /
vnd wesentlich zugegen sey / der Leib und
Blut / mit der Seele / vnd Gottheit unsers
Herrn IESU Christi. Ich glaub gänz-
lich was ich glauben soll: vnd bekenne vnd
protestire auch hiermit. O ewige Wahrheit/
daß (dasfern von mir etwas wider diesen
Catholischen Glauben jemalsn sollte geredt
werden) von diesem Augenblick / vor un-
geredt /

geredt/ irrig vnd widerrufen haben will.
Sege zu Bürgen für mich die Allerheiligste Jungfrau MARIA, alle Himmelsche
Kron Geister/ die heilige Aposteln Peter
vnd Paul, den heiligen Joseph, meines
Namens Patron/ meinen Schirm-En-
gel/ den h. Athanasium, die h. Mutter
Theresia, S. Nathaliam vnd alle Heilige/
welche ich zugleich auch demütig bitte/ sie
wollen mir Beständigkeit in diesem Ca-
tholischen Glauben erwerben. Ich er-
frewe mich auch sehr/ vnd dancke dem All-
mechtigen Gott/ daß ich ein Kind der
Christlichen Kirchen worden/ deren Glau-
ben ich dann/ so oft es wird von-nothen
seyn/ mit Gottes Hülf vnd Gnad/ mit
meinem eignem Blut Blut zu bezingen
bereit bin.

Hie folge die Betrachtung von ob-
gesagten zweyen Spitalern.

Ich finde/ O Herr/ in dieser Welt
zween Spital/ darinn alle sterben/ in
einem stirbt man in deiner Gnad/ im an-
dern in Sünden vnd Ungnade. Und kom-
men mir diese letzten vor/ als legen sie in
einem